



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27/01-05-33063-32/19  
Sarajevo, 07.11.2019.godine

**SKUPŠTINA KANTONA SARAJEVO**  
N/r Predsjedavajući Skupštine Elmedin Konaković  
- OVDJE -

**Predmet:** Odgovor na zastupničko pitanje – dostavlja se  
Veza vaš akt broj: 01-05-33063-32 od 26.09.2019. godine.

**Zastupnik Zvonko Marić** na 13. Radnoj sjednici Skupštine Kantona Sarajevo održanoj dana 25.09.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, postavio je **zastupničko pitanje**, koje glasi:

*"Budući da se u medijima pojavila informacija o mogućem proširenju RCUO Smiljevići, a za što direktorica KJKP"Rad" d.o.o. nije imala informacije, što je uznemirilo građane koji žive u blizini deponije, molim Ministarstvo komunalne privrede i infrastrukture Kantona Sarajevo i Ministarstvo prostornog uređenja, građenja i zaštite okoliša i KJKP"Rad" d.o.o. da mi daju tačne i detaljne informacije po ovom pitanju?"*

**ODGOVOR:**

U vezi Vašeg postavljenog pitanja referirat ćemo se najprije na *Zakon o upravljanju otpadom ("Službene novine FBiH", br. 33/03, 72/09 i 92/17)* kojim se u članu 33. stav (3) utvrđuje postojanje centra za upravljanje otpadom, koji se nalazi u sastavu deponije. Također, ovaj Zakon određuje i izradu **Federalnog plana upravljanja otpadom za period 2012.-2017.godine** koji predstavlja provedbeni dokument Strategije upravljanja otpadom 2008.-2018.godine. Na osnovu člana 9. stava (1) i stava (2) ovog Zakona jasno se nalaže da će *svaki kanton donijet Plan upravljanja otpadom na svom području usaglašen sa Strategijom upravljanja otpadom Federacije BiH i Federalnim planom upravljanja otpadom*. Dakle, u Strategiji upravljanja otpadom FBiH 2008.-2018. godine kao i u Planu upravljanja otpadom, definisan je integralni sistem upravljanja otpadom regionalnim konceptom, koji se stvara na području više općina, a koje se udružuju u regije za koje se izrađuju Kantonalni planovi upravljanja otpadom.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177



Sarajevo, Reisa Džemaludina Čauševića 1

Osnove tehničke komponente upravljanja komunalnim otpadom u sklopu tog integralnog sistema čine:

- **Mreže lokalnih punktova** za odvojeno prikupljanje (opremljenim posudama za odvojeno prikupljanje),
- **Mreže većih punktova** - Centara za upravljanja otpadom (CUO) tzv. reciklažna dvorišta,
- **Pretovarne stanice (PS) za regije,**
- **Regionalni centri za upravljanje otpadom (RCUO).**


Međutim, Federalni plan upravljanja otpadom **ne definiše lokacije** na kojima će se uspostaviti RCUO već nalaže da se iste utvrde na osnovu:

- **prethodnih istražnih radova,**
- **studije izvodljivosti,**
- **studije o procjeni uticaja na okoliš,**
- **projektne dokumentacije za RCUO i PS/CUO uz dobijanje svih potrebnih dozvola.**

Odlukom Skupštine Kantona u mjesecu julu 2015. godine donešen je Plan upravljanja otpadom Kantona Sarajevo za period 2015.-2020.godine. Također, Prostornim planom Kantona Sarajevo za period 2003.-2023.godine, koji je usvojen u augustu 2006.godine, propisana je potreba proširenja postojeće sanitarne deponije sa postojećih 53,4 ha na 94,5 ha. Odlukom o izmjenama i dopunama odluke o provođenju Prostornog plana Kantona Sarajevo za period 2003.-2023. godine ("Službene novine Kantona" br. 22/19) se utvrđuje formiranje Regionalnog centra za upravljanje otpadom (RCUO), kako je to definisano federalnim i kantonalnim planom upravljanja otpadom, u skladu sa temeljnim načelom Zakona o upravljanju otpadom - načelu regionalnosti. Prema ovoj Odluci, načelo regionalnosti podrazumjeva razvoj tretmana otpada i izgradnju objekata za njegovo odlaganje na način da pokriva **potrebe regiona** i omogućava samoodrživost objekata, kako je naprijed navedeno. Zatim, izmjenama i dopunama Prostornog plana izričito se nalaže, u cilju formiranja RCUO, proširenje sanitarne deponije Smiljevići sa sadašnjih **53,4 ha na 94,3 ha.**

Dalje, Skupština Kantona Sarajevo je na sjednici održanoj 05.03.2018. godine, donijela Odluku o pristupanju izradi Prostornog plana područja posebnog obilježja "Regionalni centar za upravljanje otpadom (RCUO) - Smiljevići" ("Službene novine Kantona Sarajevo", br. 11/18 od 15.03.2018.g.). Odlukom o pristupanju izradi definisani su **Nosilac pripreme - Vlada Kantona Sarajevo i Nosilac izrade - Zavod za planiranje razvoja Kantona Sarajevo**, te Program i plan aktivnosti na izradi Prostornog plana, kojim je utvrđena i dinamika izrade.

S poštovanjem,



**Dostavljeno:**

1. Skupština Kantona Sarajevo, 2x
2. Vlada Kantona Sarajevo, na znanje
3. Evidencija,
4. a/a.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177

Sarajevo, Reisa Džemaludina Čauševića 1

